

Broj: 31-9/17

Datum: 15.12.2017. godine

Na osnovu člana 70. stava 1., 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 13 Pravilnika o javnim nabavkama roba, usluga i radova br. 456-1/15 od 25.03.2015. godine, na Preporuku Komisije za javnu nabavku broj: 31-8/17 od 14.12.2017. godine, u postupku javne nabavke „Nabavka računarske opreme“, direktor Preduzeća je donio

### **ODLUKU o izboru najpovoljnijeg ponuđača**

#### **Član 1.**

Prihvata se Preporuka Komisije za javne nabavke broj: 31-8/17 od 14.12.2017. godine i ugovor za javnu nabavku „Nabavka računarske opreme za Poslovne jedinice Preduzeća“ dodjeljuje se, nakon provedene e-aukcije, ponuđaču „REGULATOR“ d.o.o. Sarajevo, sa ponudom broj: 05-11/17 od 22.11.2017. godine, za ponuđenu cijenu od 12.000,00 bez PDV-a.

#### **Član 2.**

Prijedlog ugovora o nabavci dostavit će se na potpis izabranom ponuđaču „Regulator“ d.o.o. Sarajevo, po proteku roka od 10 dana, računajući od dana od kada je ponuđač obaviješten o izboru najpovoljnije ponude.

#### **Član 3.**

Za izvršenje ove odluke zadužuje se i ovlašćuje Služba za pravne, kadrovske i opće poslove i Služba za finansijsko računovodstvene poslove.

#### **Član 4.**

Ova odluka objavit će se na web-stranici [www.trznice.ba](http://www.trznice.ba), istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama Bosne i Hercegovine.

#### **Član 5.**

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, shodno članu 71. stav (2) Zakona o javnim nabavkama Bosne i Hercegovine.

### **Obrazloženje**


Postupak javne nabavke pokrenut je Odlukom o pokretanju postupka javne nabavke broj: 31/17 od 06.11.2017. godine.

Javna nabavka je provedena putem konkurenškog zahtjeva za dostavu ponude putem e-aukcije. Procijenjena vrijednost javne nabavke bez PDV-a je 15.000,00KM.

Obavijest o nabavi broj: 281-7-1-255-3-10/17 od poslata je na objavljivanje dana 22.11.2017. godine.

Budući da je u ovom postupku objavljena Tenderska dokumentacija u sistemu „E-nabavke“ Ugovorni organ uputio je poziv za preuzimanje Tenderske dokumentacije u sistemu „E-nabavke“ koji odgovara zahtjevu za dostavu ponude iz člana 88. stav 1. Zakona o javnim nabavkama (Službeni glasnik BiH 39/14) i to sljedećim ponuđačima (istovremeno sa slanjem obavijesti Portalu javnih nabavki):

- „Comtrade Distribution“ d.o.o. za računarsku opremu
- „Terabajt“ d.o.o. Sarajevo
- „IMTEC Computer & Technology“ d.o.o. Sarajevo



Komisija za javnu nabavku imenovana je Rješenjem br. 31-2/17 od 20.11.2017.godine.

Komisija za javne nabavke je sačinila Zapisnik o pregledu i ocjeni ponuda br.31-7/17 od 14.12.2017.godine, u kojem su konstatovali naziv Ponuđača čija ponuda je odbijena i razlog za njeno odbijanje, te je konstатовano čije ponude su prihvatljive i mogu sudjelovati u e-aukciji. Uz Zapisnik o pregledu i ocjeni ponuda u prilogu je dostavljen Izvještaj o toku i završetku e-aukcije.

Komisija za javnu nabavku dostavila je direktoru Preduzeća Preporuku u izboru najpovoljnijeg ponuđača br. 31-8/17 od 14.12.2017.godine, u postupku javne nabavke.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 8 (osam);
- da su blagovremeno zaprimljene 8 (osam) ponuda;
- da su neblagovremeno zaprimljene 0 ponuda.
- da su ponude Ponuđača: „Regulator“ d.o.o. Sarajevo; „ASPO RAIL“ d.o.o. Sarajevo; „ELUR“ d.o.o. Kiseljak; „Time Code“ d.o.o. Sarajevo; „GODIMERC“ d.o.o. Sarajevo; „Printex“ d.o.o. Sarajevo; „CROBOX“ d.o.o. Sarajevo, prihvatljive i da mogu učestvovati u postupku e-aukcije.

E-aukcija je zakazana za dan 13.12.2017.godine sa početkom u 14h i trajanjem od 15 minuta.

Nakon završetka e-aukcije Ugovorni organ je dobio obavjest Agencije za Javnu nabavku BIH o uspješno završenoj e-aukciji i najpovoljnijem ponuđaču nakon završetka e-aukcije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Uprava Preduzeća nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i Tenderskim dokumentom. Uvidom u priloženu dokumentaciju, izabrani kandidat nakon završetka e-aukcije je ponudio cijenu kako slijedi:

	Naziv / ime ponuđača	Ponuđena cijena (bez PDV-a)
1.	„Regulator“ d.o.o.Sarajevo	12.000,00

Komisija je izvršila detaljnu provjeru kvalifikacija ponuđača u predmetnom postupku prema minimalnim uslovima za kvalifikaciju ponuđača i utvrdila sljedeće:

Ponuda „Regulator“ d.o.o. Sarajevo se smatra kvalifikovanom i prihvatljivom u predmetnom postupku javne nabavke.

Iz navedenih razloga, primjenom člana 64. stav 1. tačka b) Zakona o javnim nabavkama Bosne i Hercegovine, te člana 13. Pravilnika o javnim nabavkama roba, usluga i radova, odlučeno je kao u dispozitivu.



### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DIREKTOR  
Jasmin Terović

*Dostaviti:*

- „Regulator“ d.o.o. Sarajevo;
- „ASPO RAIL“ d.o.o. Sarajevo;
- „ELUR“ d.o.o. Kiseljak;
- „Time Code“ d.o.o. Sarajevo;
- „GODIMERC“ d.o.o. Sarajevo;
- „Printex“ d.o.o. Sarajevo;
- „CROBOX“ d.o.o. Sarajevo “d.o.o. Sarajevo